



Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

Broj: 10-04-6550-74/21

Sarajevo, 08.04.2021. godina

SKUPŠTINA KANTONA SARAJEVO
-Skupštinske službe-

PREDMET : Odgovor na zastupničko pitanje – dostavlja se

Zastupnica **Vildana Bešlija** je na 33. radnoj sjednici Skupštine Kantona Sarajevo, održanoj dana 03.03.2021.godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa članovima 211.i 214. poslovnika Skupštine Kantona Sarajevo postavila zastupničko pitanje koji se odnosi na broj smrti povezanih sa COVID-19 u 2020.godini na području Kantona Sarajevo, višak smrtnosti u 2020. godini na području Kantona Sarajevo, i mogućim razlozima za višak smrtnosti u 2020.godini na području Kantona Sarajevo.

U vezi sa postavljenim zastupničkim pitanjem dostavljamo slijedeći:

ODGOVOR

Ministarstvo zdravstva Kantona Sarajevo je dana 22.03.2021.godine zatražilo odgovor na postavljeno zastupničko pitanje od JU Zavod za javno zdravstvo Kantona Sarajevo. Dana 02.04.2021.godine Zavod je dostavio odgovor (akt broj 05.1.21-1938-1/21 od 30.03.2021.godine), koji dostavljamo u prilogu akta.



Dostaviti:

- naslovu

- a/a

- CO: sekretar Vlade KS



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104,
Fax: + 387 (0) 33 562-243
Sarajevo, Reisa Džemaludina Čauševića 1





Alena 07.04.21. /ma

Arhivirani

2554

Broj: 05.1.21-1938-1/21
Sarajevo, 30.03.2020. godine

n/p: Prof. dr. Haris Vranić, Ministar
Ministarstvo zdravstva Kantona Sarajevo
Reisa Džemaludina Čauševića 1
71000 Sarajevo

Bosna i Hercegovina
Federacija Bosne i Hercegovine
KANTON SARAJEVO

02-04-2021

PRIMLJENO			
Organizacija			
10	04	5550-204	

Predmet: Odgovor na zastupničko pitanje – dostavlja se
Veza: Vaš akt broj: 10-04-6550-74/21 od 18.03.2021. godine

Poštovani Ministre,

Ministarstvo zdravstva Kantona Sarajevo dopisom, naš broj: 05.1.21-1938/21 od 24.03.2021. godine, obratilo se J.U. Zavod za javno zdravstvo Kanta Sarajevo za odgovor na zastupničko pitanje koje je ovaj ustanovi na 33. Radnoj sjednici Skupštine Kantona Sarajevo, održanoj dana 03.03.2021. godine, u okviru tačke Dnevnog reda „Poslanička/zastupnička pitanja, inicijative i odgovori“ postavila zastupnica Vildana Bešlija i koje nam je dostavljeno u pisanoj formi kao prilog.

Pitanje se odnosi na broj smrti povezanih sa COVID-19 u 2020. godini na području Kantona Sarajevo, višak smrtnosti u 2020. godini na području Kantona Sarajevo, i mogućim razlozima za višak smrtnosti u 2020. godini na području Kantona Sarajevo.


Prema podacima kojim raspolaže J.U. Zavod za javno zdravstvo KS na osnovu prijava koje su pristigle tokom 2020. godine iz zdravstvenih ustanova sa područja KS u RJ za epidemiologiju na području Kantona Sarajeva u 2020. godini su registrovane 383 smrti povezane sa COVID-19.

Prema nezvaničnim podacima Federalnog zavoda za statistiku u 2020. godini umrle su 5.033 osobe na području Kantona Sarajevo.

Prema zvaničnim podacima Federalnog zavoda za statistiku (publikacija „Kanton Sarajevo u brojkama“) u 2019. godini na području Kantona Sarajevo umrlo je 4.425 osoba.

Razlika broja umrlih između 2019. i 2020. godine prema preliminarnim podacima za 2020. godinu i konačnim rezultatima za 2019. godinu iznosi 608 osoba. Ovime dobivamo 225 umrlih osoba više na području Kantona Sarajevo, ukoliko isključimo 383 smrti povezane sa COVID-19.

Napominjemo da je Federalni zavod za statistiku nadležan za mortalitetnu statistiku. Svi podaci o umrlima, uključujući Potvrde o smrti (DEM-2 obrazac) su vlasništvo Federalnog zavoda za statistiku. Najrelevantniji izvori podataka o mortalitetnoj statistici su upravo pomenute Potvrde o smrti koje popunjava nadležni ljekar mrtvozornik, u kojima se šifrira osnovni uzrok smrti svakog preminulog.



Adresa: dr. Mustafe Pintola br.1, 71210 Ilidža
Tel/fax: 627-889; 624-470
web: <http://www.zzjzks.ba>
e-mail: gzavod@bih.net.ba





Baze podataka u kojima se nalaze ovi podaci su u vlasništvu Federalnog zavoda za statistiku, i J.U. Zavod za javno zdravstvo Kantona Sarajevo nema pristup ovim bazama podataka. Konačna baza podataka o umrlima Federalnog zavoda za statistiku bude ustupljena J.U. Zavod za javno zdravstvo Kantona Sarajevo svake godine u mjesecu maju, za podatke koji se odnose na prošlu godinu, kako bi bili u prilici da pripremimo Studiju mortaliteta stanovništva Kantona Sarajevo za tu godinu.

Kada baza podataka za 2020. godinu bude konačna, i ustupljena J.U. Zavod za javno zdravstvo Kantona Sarajevo, tek tada ćemo znati, tačan broj umrlih na području Kantona Sarajevo, tačan broj umrlih od COVID-19 na području Kantona Sarajevo i tačnu razliku broja umrlih u 2020. u odnosu na 2019. godinu kada će se moći izvlačiti određeni zaključci.

Teoretski, broj potvrđenih smrtnih slučajeva povezanih sa COVID-19 koji odstupa od broja viška smrtnosti može biti zbog sljedećeg:

- Sistem online prijavljivanja smrti povezanih sa COVID-19 se prije svega ograničava na smrti koje su se desile u bolničkim ustanovama – osobe čija je smrt povezana sa COVID-19 a umrle su u kućnim okolnostima nisu registrovane u ovom sistemu,
- Smrti povezane sa COVID-19 se isključivo vezuju za osobe koje imaju laboratorijski testom potvrđenu COVID-19 dijagnozu, a znamo da postoji određen procent lažno negativnih rezultata PCR testa na COVID-19,
- Pandemija može biti razlog povećanja smrtnosti od drugih uzroka smrti zbog različitih razloga kao što je: preopterećenje i prenapregnutost zdravstvenog sistema, manjeg broja ljudi koju traže zdravstvenu zaštitu zbog straha od zaraze, manjka sredstava izdvojenih za preventivne programe i dr.



S poštovanjem,

Izradio:

D. Abdulahović
Dr. med. Damir Abdulahović, spec.

Kontrolirala:

M. Selina Čelik
Dr. med. Selina Čelik, subspec.



Adresa: dr. Mustafe Pintola br.1, 71210 Ilidža
Tel/fax: 627-889; 624-470
web: <http://www.zzjzks.ba>
e-mail: gzavod@bih.net.ba

